



Ova vjera je savjet/iskren odnos

Od Temima ed-Darija, radijallahu anhu, se prenosi da je Allahov Poslanik, sallallahu 'alejhi ve sellem, kazao: "Ova vjera je savjet/iskren odnos." Upitali smo: "Za koga?" Rekao je: "Za Allaha, Njegovu Knjigu, Njegovog Poslanika, za vođe muslimana i za obične ljude."

[صحيح] [رواه مسلم]

Allahov Poslanik, sallallahu 'alejhi ve sellem, nam kazuje da se vjera sastoji od iskrenog odnosa prema svima i da se kao takva mora ispoštovati bez ikakvog odstupanja. Ashabi su ga zatim upitali: "Prema kome se treba ispoljavati taj iskren odnos?" On će na to da, prije svega, iskren odnos treba imati prema Allahu tako što će se djela iskreno radi Njega činiti bez ikakve primjese širka, te da će se vjerovati u Njegov rububijet, uluhijet i Njegova najljepša imena i uzvišena svojstva. Osim toga, nužno je da se veliča ono što on propiše i odredi, te da se ostali ljudi pozivaju u to da u Njega povjeruju. Drugo, potrebno je iskazivati iskren odnos i prema Njegovoj knjizi, Kur'anu tako što ćemo vjerovati da je to Njegov govor, da je on posljednja knjiga koju je Uzvišeni objavio i da je ta knjiga derogirala sve prethodne objave. Pored toga, obaveza nam je da veličamo Kur'an, da radimo u skladu sa njim, da druge pozivamo u to i da ga branimo od svih koji ga žele oskrnaviti i njegova značenja izokrenuti. Treće: Iskren odnos prema poslaniku Muhammedu, sallallahu 'alejhi ve sellem označava da budemo čvrsto ubijeđeni da je on posljednji poslanik i da vjerujemo u sve što nas je obavijestio. Povrh toga, moramo mu biti pokorni u onome što je naredio, moramo se kloniti onoga što je zabranio, te ga moramo braniti od svih koji na njega nasrcu i pozivati ljude da ga slijede. Četvrto: iskren odnos i prema vođama muslimana tako što ćemo ih pomagati u dobru i tako što ćemo im iskazivati poslušnost u onome što predstavlja pokornost Uzvišenom Allahu. Peto: iskren odnos prema običnim ljudima obuhvata činjenje dobročinstva prema njima, otklanjanje onoga što im šteti i to da im pomažemo u svemu što je dobro.

<https://sunnah.global/hadeeth/bs/show/4309>

